

Tabrat wiss Trāta n Yuḥanna

¹Amyar i Xayus ieizzen, wenni ttexsey di tidett. ²A ameizz, necc ssitimey ad tiḥid mliḥ aṭṭas, am mammec ittiḥi řeemar nnek d lemlih ad tiḥi εawed řṣehḥet nnek d lemlih. ³Minzi farḥey aṭṭas, řami d usin wawmaten, cehden x tidett nnek, am mammec teggured di tidett. ⁴War řari řefrahet imyaren amecnaw ta, aqqa řiḥ tarwa inu gguren di tidett. ⁵A ameizz, aqqa cek d ařdiq di marra min tettedged i wawmaten u i ibarraniyyen, ⁶inni icehden x tayri nnek qibač i tmesmunt. Ad tegged mliḥ, maṛa tewcid asen afus xmi ten i řa tgewweded deg webrid nsen s ict n řṣifet iweqqaren i Arebbi. ⁷Minzi nitni ffyen x ssibbet n isem nnes, war ksin walu zi řegnus. ⁸S uyenni ittxeřř ad neqbeḥ iwdan am nitni, řima ad niḥi d ixeddamen akidsen i tidett.

⁹Necc uriy tt i tmesmunt, maca Diyutrifes, wenni yarezzun ad yiḥi d amezwaru jarasen, war d aney iqbiḥ ca. ¹⁰X uyenni maṛa usiḥ-d, ad t sseeqḥey di řexdayem i ittegg, řami ittḥarred řḥruḥ tieeffanin xaney. War iqniε s man aya waha, maca war iqbiḥ awmaten uca inni ixsen ad ten qebḥen, imeaṛa kisen, issuffuy iten zi tmesmunt.

¹¹A ameizz, war đeffar ca tuεeffna maca tcuni! Wenni itteggem tcuni, netta zi Arebbi, wenni itteggem tuεeffna, war izri ca Arebbi.

¹²Marra cehden x Dimitriyu uṛa d tidett simant nnes, am neccin εawed ad xas neched uca tessnem belli chadet nney đ tidett.

¹³Aqqa řari aṭṭas i d ac-d řa ariḥ, maca war xsey ca ad ac d ariḥ s ssmex d řeqḥem, ¹⁴maca ssitimey, ad cek řareḥ deyya, xenni ad nessiweḥ zeg uqemmum řar uqemmum. ¹⁵Řehna ad yiḥi akik. Imeddukaḥ ttseğamen xak. Seğmem x imeddukaḥ s ismawen nsen.